

اداره مرکزی :

آنقره ده ، استانبول جاده سنده آنقره
معارف امینتکی یاننده کی دائره

استانبول بوروسی :

استانبولده ، باب عالی جاده سنده ۸۷ نوره
دائرة مخصوصه

حیات

هیاة دما حیاة ... دیاة راها هرو حیات قانالم ...

نسخه سی هربرده ۱۰ غرورده

سنه کی پوسته ایله ۵ لیرا .
(اجنبی مملکتلر ایچین ۵ دولار)

ابونه واملان ایشلری ایچین استانبول بوروسه
مراجعت ایدیلیر .

یازی ایشلرینک مرجعی آنقره هررورده .

صافی : ۳۹

آنقره ، ۲۵ اغستوس ، ۱۹۳۷

۲ نجی جلد

مصاحبه :

سودیرمک اصولی

ارککک قادینه ، قادینک ارککک قارشی دویدینی میلانک سببی نه در ؟ تماماً حیوانی بر اشتهاک فوقه یو کسه لنجه - اساساً انسانی معناده عشقندن بحث ایله مک ایچونده بو شرطدر - بر سچمه ، بر ترجیح موضوع بحثدر . سودیکمز ارکک ویا قادین دکدر ، بلکه «فلان» ارکک ویا «فلان» قادیندر . یعنی بوتون خصوصی آناتیله برهویت ، بر فردیت موضوع بحثدر .

بو سچمه ، ترجیح ایتمه عملیه سنی نه کی ساقارک تحت تأثیرنده اولارق یاییورز؟ ده غره . ییوی مانونله سقویه ، ژولی یی سهن پویه ، لادام اوقامیلیی آرمانه جذب ایدن سبیلر نه در؟ بونلری تماشاچیلر ، رومانچیلر بزه بیلدیرمکه چالیشورلر . لکن هر عاشقک ترجیحی و ترجیح ایتمیکنه مجنونانه اولان ارتباطی یالکیز بوسبیلرله می میدان کگیر؟ بونلر حقیقی می ، یوقسه ظاهریمیدرلر ؟ روحیاتچیلر بوسوالره قارشی بزی تطمین ایدمک بر جواب ویرمه یورلر . فیلسوفر بو موضوعی عمومیتله استخفاف ایدیورلر . افلاطوندن سوکراونی جدیتله تدقیقه تثبیت ایتش اولانک فیلسوف - بنم بیلدیکمه نظراً - شوپنهاوردر . شاه اثرینک معروف بر فصلی اولان «عشق مابعد الطبیعیاتنده» انسانلرده جنسی عشقک پرنسپلرینی بولغه چالیشیر . فقط اغلب احتمال شوپنهاور مابعد الطبیعی سیسته منه صادق قالمق آرزوسیه بو صحیفه لارک ایچنه فانتازیا ده صوقشدر . خلاصه کنیدیسی سودیرمک ایستین ارکک وقادینلرک ته کنیکنک (اوسته لفتک) روحیات و فلسفه دن استفاده

ایده رک ایبرله می شیمیدیک ممکن دکدر . انسان انسانه ناصل عاشق اولور ؟ بو سوالک جوابی قطعی و مثبت اولارق ویره مدیکمز ایچون کنیدی سودیرمک ایستینلر تأثیری محقق اولمایان تقریبی واسطه لره مراجعت ایدرلر . فقط بونلرک نتیجه سی هر زمان امین دکدر . آرادیفمز محبت یرینه استخفاف و لاقیدی یی ده جلب ایده بیلیرز .

سودیرمک ایستیدیکمز ، داهای دوغروسی سوبله یه لایق اولدیغنی کویسترمک ایستیدیکمز بر قادین ویا ارکک دکدره وطن ، ملت ، دین کی وارقلر ایسه ، مشکلات ینه باقیدر . واقعا روحیاتچیلر و فیلسوفر بو نقطه لرده بزی داهای زیاده تنویر ایدیورلر . باسقالک Pensées لری اوقویانلر حس دینینک تگونی شرائطی حقنده اک اساسلی معلوماتی الله ایتش اولورلر . روحیاتچیلر « ملی حسک » ، وطنه محبتک ناصل کنیدیلکندن قلبلرده دوغدیغنی کویستره بیلیرلر : ملت فردلرک « صمیمی انا » سندن باشقه بر شی اولمادیی ایچون سویلیر . واقعه اولمق اعتباریه بر ملت فردلرک قونوشماسنده ، دوشونمه سنده ، یاشاماسنده الخ . . . کنیدی هر آن اظهار ایدر . فردک ملیتنی سهومه سی آز چوق کنیدینه مربوط اولماسی ، دوغوشندنبری ایچنده غداسنی بولدیغنی طبیعی و معنوی محیطی سهومه سی دیمکدر . بناء علیه ملت و دین موضوع بحث اولونجه ، « محبت » کنیدیلکندن ، غریزی اولارق موجود اولدیغنی ایچون ، بر حسی ارتباطک

تولیدی دکل ، بلکه آنجق تقویه سی چاره لری آراشدیریلیر . ایشته مشکلات ده بوراده میدانه جیقور .

اگر ملت محبتک کنجلرده طبیعی اولان شکلله اکتفا ایتک واونی قوتلندیرمک لازم لازم کله سیدی اورتاده مشکلات اولمازدی . لکن بونلرکی حیات ، عقلک تنقید قابلیتنه نامتناهی بر انکشاف بخش ایدیور . هر اجتماعی حس ، هر حیاتی عمده اونک مواجهه سنده بر امتحان کچیرمکه مجبوردر . دیکر طرفدن بعضی بین الملل اقتصادی و سیاسی جریانلر وارک - هیچ اولمازسه ظاهراً - ملیت حسنه مخالف کوزو ککده در . اوحالده کنجلره ملتی سهودیرمک ، داهای دوغروسی داهای فضله و داهای قوتله سهودیرمک لازم . بونک اصولی نه در ؟

شیمیدی به قدر المه کچن بوتون مکتب کتابلرنده بوتون مؤلفلرک بو هدفه توجه ایتدکلرینی ، فقط بعضیلرینک ده مشکلات قارشیدنده قالدکلرینی کوردیم . ایشته بو نقطه یه اشارت ایتک ایسته یورم . تطبیق ایدیلن اصوللردن بری وطنی « اولدیغنی کی » یعنی هم کوزللیکی ، هم ده چیرکینلیکی ایله ، یعنی چیرکینلکندن کی کوزللیکی کویستره رک سودیرمکدر . بو اصول اک مؤثر و مرجع اولانلردن بریدر . اساساً ، چیرکین ، فقط فکرآ ظریف قادینلرده باشقه بر اصول تطبیق ایتمز . وطنده آفاج وده کیز بول ایسه نه اعلا ، فقط یوق ایسه بو ، وطنک سهوبله می ایچون برسبب

تشکیل ایتز . جیلاق داغلر ، حتی دوز ، صوکی کلهین وایج صیقیجی بر اووا بیله انسانده وجد و محبت او یاندیراییلیر . «طبیعتده هرشی کوزلدر ، کوزللیکنی بولوب کوسترمک صنعتکارک وظیفه سیدر .» دییه «غوته» دکلیدر؟ بکنلرده مونقول مملکتنه وغوی چولنه داتر آوروپالی قلمندن چیمه برتصور اوقودم . او بش اون سطرلق یازی قلبده شدتلی برانجذاب او یاندیردی . مونقول جمهوریتنک مکتبلی ایچون بوندن مکمل قرائت پارچاسی تصور ایده م .

ایکنجی وداها جتین بر اصول «ملی مفاخره» ک سه و دیر یله سیدر . یا کیلما یور سه م بزده ضیا کوک آلپ مرحوم واسطع بک بوکاپک طرفدار دیلر . فقط ملی مفاخره در ، اون ناصل تعیین ایده رز؟ فردک مفاخری دیگر فردله قیاسا علوی کوزوکن افکار وحرکتندن عبارت اولدینی کی ملتک مفاخری ده دیگر ملتله قیاسا تعیین ایتک اقتضا ایده ر . مقایسه موضوع بحث اولونجه برنجی اصولده کی حسی ، بدیی تلقین چاره لری ایستر ایسته مز ترک اولونور ، رینه ذهنی ، آفاقی مقیاسلر اقامه سی مجبوری حاصل اولور . آوروپا مکتب کتابلرنده علوم و صنایعه عائد کشفیاتک شرفی قومشو ملتدن نزاع ایدوب کندی ملتله مال ایتک ایچون قدم مسئله لری موضوع بحث اولور : - کیم اولا دوشوندی ؟ - «تلسر تلغرافی تطبیقات ساحه سنه صوقان ایتالیان مارقونی ایسه ده اوندن اول فرانسز برانلی ، حتی دها اون یدنجی عصرک صوکنده ینه فرانسز آمونتون» ، یاخود : - «تکامل نظریه سی داروینه اسناد اولور سه ده دها اون سکزننجی عصرده فرانسز دیده رو» الخ ... اسلام مدنیتنه مربوطیتیزی تقویه ایتک ایسته ینلرده بوقیلدن مطالعات یوروتمشدر : «غربیلر قرون وسطا قارا کلقلرنده یاشارکن اسلام طلمنده ریاضیلر ، کیمیا کرلر ، فیلسوفلر .. الخ» . بوسوزلر یا کلیش دکلدر ، فقط حقیقت تام اولارق افاده ایدیلر مشدر . تام حقیقت ایسه صوک عصرلرده علمک ، صنایعک ابراز ایله دیکی خارق العاده انکشافک بوتون ملتک مشترک جهندن ایلری کلدیکندن عبارتدر . بزم مکتب کتابلریمزده

کشفلرک وایجادلرک بین الملل متساند و مشترک بر سعیدن دوغدیغنده اصرار ایدیلر سه شبه یوق که هم حقیقته دها موافق بر فکر سرد ایدلش هم ده بی معنا اولان مقایسه لر بر طرف ایدیلش اولور .

سیاسی وعسکری مفاخره کلنجه ، بوراده مقایسه موضوع بحث اولاماز . اسکندر کیرمی یوقسه ناپولیونمی بویو کدر ؟ سؤالنه هرکس کولر . سبی سیاست وعسکرک عالمده یتیشه بویوکلرک تماماً ملی حیات چرچیوه سی ایچنده قالماسنده و دیگر ملتله یابانجی اولماسنده در .

غربت یولجوسی

یولکده نه بر آووج کولکه ، نه بر یودوم صو ، سن ای غربت یولجوسی ، سن ای غربت یولجوسی ! کوزلرک یاشاریور ، ایچکدن یانیورسک ، برچول اولان کولکی سن بوشمی صانیورسک؟ هایقیر صاک افقلره قدسی تحملکی سسکک اصطرابی بوشلقده کریلرده

صوکره دولار ایچکه داملا داملا اربرده ، نه سن دو یابیلیرسک ، نه باشقه سی حس ایده ر ؛ بوچولده دوغان حیات ، بوچولده آقوب کیده ر !

یولکده نه بر آووج کولکه ، نه بر یودوم صو ، سن ای غربت یولجوسی ، سن ای غربت یولجوسی !
رفت بخت

بناء علیه کنجلرده ملتله محبتی قوتلندیرمک ایچون سیاست وعسکرک طلمنده یتیشه بویوکلر اوزرنده پک اعلا اصرار ایدیلیر . بوراده یکانه مشکلات تاریخ درسک آفاقی اولمق ضرورتندن ایلری کلیر . فرانسزلره کوره بیسمارق «شمس» تلغرافنامه سنی تحریف ایله مش اولان بر ساخته کاردر . آلمان مؤرخلری بو مسئله یی اورت باص ایتکه غیرت ایدرلر : «تلخیص ایتک تحریف ایتک دکلدر» دیرلر . ایسته ، دورقه یمک ده قبول ایله دیکی وجهله ، ایکی نوع تاریخک موجودیتی بوندن نشات ایدر : برنده ملت کندی داستانی اوقور ، کندینی ترجیح ایله دیکی شکلده کورور . ایکنجی نوع تاریخ غیر شخصی و آفاقی اولمغه تمایل ایدر .

فقط بومیلی تماماً اظهار ایدن عجیاقاچ اثر واردر ؟ تاریخی حقیقتک کیزله نه سنی ویا تحریف اولونماسنی دکل ، فقط ملتک حیاتنده و ملی قهرمانلرک حیاتنده بالخاصه تربیوی غایه لره خدمت ایدن صفحهلر اوزرنده اصرار ایدله سنی بر تلقین واسطه سی اوله ر ق پک اعلا قبول ایدیورم . زیرا انسانلر ، ظن اولو . ندیغندن زیاده ، ماضیلری حقیقتده کی قناعتلری ایله استقباللری تعیین ایدرلر . فلان آدامک اسکیدن دائماً شجیع ، طالیجناب ، چالیشقان اولدیغنه کندی سنی اقناع ایدیکز ، محققدر که استقبالده اوله اولمق ، عینی مزیتلری محافظه ایله مک ایسته جکدر . بالعکس ، عینی آدامه ماضی سنی قارا کلک بر لوحه حالنده کوستریکز ، استقبالده ایلشکم امیدلری یاری یاری به قیرمش اولورسکز . ملتله ایچون ده بویله در : ملتلی افرادینه سودیرمک ، اونک پارلاق استقبالنه هر کسی علاقه دار قیلیمق ایسته یور میسکز ؟ ماضی سنی پارلاق صحیفه لری دفعاتله چویرمکه مجبورسکز . فقط بونک ده بر افراطی وار . کچن کون بر قرائت کتابنده شویله بر جمله کوردم : «بز دنیانک اک بویوک ملت یز !» ظن ایدرم که بونی یازان مؤلف هیچ ای بر شی یاپمامشدر . اونک رینه «دنیا ده کی بویوک ملت لردن بری ده بز» . دیمش اولسه یدی ، غیر قابل انکار بر حقیقت افاده ایتش اولوردی . بویوکلکک انواعی واردر و هر ملت ، تاریخنک معین آنلرنده بر نوع بویوکلک ایله تمیز ایتش اولاییلیر . حالبو که صورت مطلقه ده بویوکلکک نه دن عبارت اولدینی وهانکی

معیار ایله تعیین ایدیلر جکنی کیمسه سویله به مز . مکتبلی چوجوق بر آز یاشی ایلرله یجه ، حتی تاریخ عالمی ایجه اوکره نمکه محتاج اولمادن اولجه اوقودینی ایله تعارض ایدن بو حقیقتی ادراک ایدمکک اوزمان کندی سنده اعتماد قابلیتی آزاله جق ، اوقودقلرینه قارشی شبه لری بر نظرله باقاجقدر . ملت سودیرمک مقصدیله بیله اولسه چوجوقلرک محاکمه قابلیتی استخفاف ایدن افراطلره وارمغه نه لزوم وار ؟ محبت تلقین ایله مک ایچون برنجی شرطک اعتدال اولدیغنه قائم و بوتون مکتب کتابی یازانلرک بونی کوزا وکنده بولوندر مالریخی تمی ایدیورم .